

Headline	'Jangan bimbang semua cukup'		
MediaTitle	Sinar Harian		
Date	04 May 2019	Color	Full Color
Section	Selangor & KL	Circulation	140,000
Page No	40	Readership	420,000
Language	Malay	ArticleSize	365 cm ²
Journalist	NINA FARZUIN MD SHAROM	AdValue	RM 7,738
Frequency	Daily	PR Value	RM 23,214



'Jangan bimbang semua cukup'

FAMA jamin bekalan utama pasar tani mencukupi sepanjang Ramadan

NINA FARZUIN MD SHAROM

PUTRAJAYA

Lembaga Pemasaran Pertanian (FAMA) memberi jaminan bekalan keperluan komoditi utama pasar tani di seluruh negara di sepanjang bulan Ramadan dan menjelang Syawal adalah mencukupi.

Pengerusinya, Ishak Ismail berkata, bekalan tersebut juga akan dijual dengan harga berpatutan serta mematuhi harga kawalan seperti mana yang ditetapkan kerajaan.

"Anggaran keperluan komoditi utama di pasar tani seluruh



Ishak (dua dari kiri) ketika merasmikan majlis Pelancaran Jimat Belanja Pra Ramadan @ Pasar Tani 2019 Peringkat Kebangsaan di Putrajaya semalam.

negara sepanjang Ramadan seperti daging adalah sebanyak 1,793 ekor lembu, 518,680 ayam dan 184,674 biji kelapa.

"Saya berharap peserta dan usahawan pasar tani dapat memastikan bekalan secukupnya dibekalkan kepada pengguna untuk keperluan Ramadan ini,"

katanya pada majlis Pelancaran Jimat Belanja Pra Ramadan @ Pasar Tani 2019 Peringkat Kebangsaan di sini semalam.

Mengulas lanjut, beliau berkata, pengajuran Pasar Tani Khas Pra Ramadan diadakan selaras dengan hasrat kerajaan menganggani kenaikan harga barang-

an keperluan di pasaran terutama menjelang musim perayaan.

"Ia juga selaras dengan saranan kerajaan agar harga barang keperluan diturunkan dan tidak membebani rakyat selain mendidik masyarakat agar pengguna berbelanja secara berhemah terutama dalam membeli barang-

an keperluan.

"Pasar Tani Pra Ramadan ini akan melibatkan 174 pasar tani terpilih dan akan mula beroperasi mulai hari ini sehingga 5 Mei 2019," katanya.

Menurutnya, operasi Pasar Tani Khas ini juga mampu menjadi luang alternatif pengguna dengan memilih barangan seperti ayam, daging, ikan dan sayur di pasar tani yang segar, berkualiti dan harga yang berpatutan.

"Penjimatan antara lima peratus hingga ke 20 peratus berbanding harga pasar setempat adalah 'trademark' harga jualan di pasar tani secara keseluruhan dan ia dilihat sebagai langkah dalam mengimbangi kenaikan harga barang."

"Sebagai contoh untuk jualan istimewa Pra Ramadan ini, harga sekilogram timun adalah RM3.50 berbanding RM5.00, cili hijau RM12.00 berbanding RM18.00 dan beberapa barang keperluan yang lain," katanya.